

gekrigeth vnd das auch Die Reuther vnd knechte auß franckreich czw Dissem hauffen komenn vnd es stebeth czw Bofurchtenn Das sie vor Anthorff Czihenn werdenn vnd vor Ander Sthete meher In flanderenn. — Vnd men Sageth auch Das Der herczogk von klebe vnd gelderenn wol acht fenichenn Reuther vnd knechte hoth geschickt In frißlanth Das auch eyn Czw nehmen vnd czw Branthschaczenn.

—. wie Den auch E. f. g. wol gehorth hoth Das kon. Maj. In Denne-
marckenn mein genedige herre auch seine schiffe Czw Boreythet mith
folcke Czun orley In Die westhsehe widder dy Burgundisschen vnd
Ire Bey pfflichters —

—. Der Kunigk In Engelanth hoth auch Eynen grosenn krigk mith
Dem kunige In Schotlanth vnd sie haben auch Czw hauffe eyne Schlach-
tunge gehalthenn Sunder Die schotten habenn Die vberhanth Behalthen
vnd Der kunigk von franckreich thut auch Dem kunige von Schotlanth
hulpf mit Schiffen vnd mith folcke als wydder Den kunigk vonn engelanth
waß Do weither von geschen wirth das wirth men mith Der Czeith wol
horenn —

—. wy es stehet mit Dem kunige In Schweden vnd mith seinen
vndersossenn vnd pauren Das wirth men mith Der Czeith Innen korcz
wol weither horenn vnd auch Die ursache. —

—. Die lasth kornn gelth hir Siben czehenn auch achzehenn große
Marck guth weiße vier vnd czwenzigk marck groß, gutte garsthe gelth
achzehenn auch Neun czehenn Margk groß haber Czwolff marck groß guth
polnisch pich funffszehen Marck groß gutte kronasche⁴⁾ czw Danczer
wrake⁵⁾ neun marck groß wagenschoß vnd klapholz wirth auch Besser kauff
werden vnd es wirth file vff Dis vor Jor In Der Weisel hir abkommenn
Eb goth wil.

—. Die lasth Browaße⁶⁾ salcz gelth nw hir Sechs vnd czwenzik auch
Sieben vnd czwenzigk margk geringe vnd waß es vordan gelden wirth
wen die wasser auff kommenn das wirth men mith Der czeith wol weither
horenn Eb goth wil vnd wor Inne Ich E. f. g. weither In czw Dinthe
vnd czw willenn sein kan das wil ich gern thun eb goth wil Dem ich
E. f. g. mith sampt alle Den ewren czw langen thagen seligk vnd gesunth

4) = Beste Asche. Vgl. Schiller u. Lübben Mittelnied. Wörterb. II
S. 576. Blaue Kronasche (Danziger, Königsberger, Elbingsche) finden wir
erwähnt b. Schedel „Waarenlexicon“ I S. 38 (Asche).

5) = Bracke, Ausschuß. Vgl. I, 6.

6) ?